



洞玄靈寶丹水飛術運度小劫妙經 合
 太上大道君曰元始天尊言景光併圖大天
 下劫運盡其景無蓋其光無底不可安止日
 月不能照列辰不能紀無上無下不可依逮
 其數難窮道言無上無下彌綸運會輕至於
 歷無滄入於空玄二者同號思議遠寂迴而
 復同竟而玄圓上鍊於絕頂下人於微塵左
 達於蒼浩右通於萬川大羅蓋列斗絕接冥
 玄都元君靈運旋隱巨嶽巖谷翻然盡并六
 度既修梵行雙處登諸天關天跡遠豁虛無
 湛根小運流周運度開元諸天輪轉炎度會
 期諸地應數亦俱輕翻天高無極乎洞原天
 以窳樹正為網紀地以人鳥住乎炎煙小劫
 運來上造高天從天運度不絕幽門於是衆
 靈記注名曰天地數交小劫已交也元始天
 尊度此輪轉已交之數凡三十六萬劫時行
 名為小天風度小劫交也大天者有三千九
 百六十天包於十方諸小天其天各治真人
 各有十方真人三百年一過旋行此窳樹及
 人鳥山竟名曰小天運度交小劫周也真人


從今天中出之於大天大天有三千九百六
 十大劫景光真人禮行此天畢名為小劫
 運度周也
 元始與景光真人言天有百億大天地有百
 億洞天一天三十六萬劫年行同盡名為小
 天其天有大洞鄉真人小劫運度周時還其
 立置宿五斗七籍魁魁始成日月明明天元
 新治其時玄度出化經道流應有太靈紫元
 夫人從靈耀天中出從女飛天人十許人遠
 尋玄度爾時正在五嶽鎮此炎煙清蕩災禍
 止伏諸凶天人見玄度應於十絕虛空中作
 禮夫人言往昔上古劫運未交時天尊太真
 已見玄降其辭演上古靈寶經部屬卷數藏
 之於大洞玄鄉中有仙骨者見其經文後有
 太極真人未得道之時常居世間遊山採藥
 年七歲遊行至九十歲不殺衆生常修世間
 諸經老君道德衆經為業通微內究神真普
 足遊行所至不問幽山深谷林森巖岵絕澗
 之地後於武人山洞中見元君得道之跡遺
 八素交帶真文妙經太上洞玄靈寶小劫運

數妙經學者自當授子令知天地運數交會
 百億數盡玄度復降恐大數欲至何可過哉
 小劫見也
 元始與玄度真人言數隨百六生於末運其
 時有仙骨之夫吾自教之度身之法學者當
 以常求過爽災度煙厄者當學三洞妙經置
 立靈寶齋法若在人間者當立高座寶蓋華
 燈香机朝禮一日六時日中一食若遠棄世
 務在山林幽谷齋法獨立之道者長齋唯嚙
 氣吞丹常以立坐左手迴北極星言某甲日
 吉時良豎立福田願北極太上度某甲形開
 氣三呼六時行此自得道真天運小劫交時
 玄度真人以此秘文九符度之元始言九符
 者九章也應太上九策文受靈寶佩此九符
 水文是洞玄靈寶章文也誦詠經時佩身丹書
 素籙迴符給囊請帶之以去小劫交秘之也
 元始天尊演太上洞章符九章
 演太上洞章符第一







演太上玄章符第二




演太上靈章符第三




演太上寶章符第四



演太上玉章符第五



演太上九章金音符第六



演太上玉音三十九章符第七



演太上生神章符第八



演太上九淪化隱章符第九



秘符文者太上洞玄隱策者也學者佩之於身常誦此九章音真道自降

元始天尊言三素者紫素黃素白素是也今各為太上洞玄靈一真人三素合為三真人恒統領令治也

經言靈寶法師建齋法服法裙以黃布為裙內著泥丸繒泥丸繒其法上著青橫幅為幘

黃縞為中寒夏不改易通常以此為法衣常有神男玉女衛之

經言法服者若山林幽隱建立齋法其裙幘中幘等皆以鹿皮製之然不得與世人同齋若在世學者當按經言不得服山學法衣遊

出人間人衣不得入山林且亦違經犯戒諸天大真觀看威儀失法為魔王所笑正神不感玄真不臨前上古之時太妙天真未

得道之時奉修靈寶法不按儀注以山學法衣遊出人間真道垂成於此為一國王家齋

遂為此法衣犯戒敗真道後作五嶽真人今故在世間天地小劫數盡此真人得一登劫

仍從此真秘戒敗天地九過度運小運訖十其運欲周真人方且遊行靈嶽未得上登十

絕從此法衣不按儀科所為也學士慎哉天運小度若說十者此真人運得為十方數中真人隱也

經言又有一法師修學洞玄齋法故未絕跡在世供養靈寶經治戒修道業已積時矣誤著世間法衣入山遂不得道也其時復有三玉

女衣九練繡帔紫絲為帶頸作三環角結上
著蘭生繡中足著交龍九文之履手把蓮度
靈幡燒丹合九色和香遊戲笑言天運欲盡
誰解之哉於此有一上古仙人見此玉女知
非常人因頓首作禮玉女初不看視謂言君

是上古賢君何忽禮乎玉女因起彷徨不安
又有二玉女復來手各持一卷妙經言曰紫
微夫人使我持此八條出自天中不與世人
相接經文秘不出於此景光真人論數天地
大小劫畢恐其後無復種民因造作小劫運
度謂契已可過為真者修學秘之八節日投
玉簡用也

景光真人造種民起劫頌
旋行過已周 禮涉無為空 上至靈雲宿
下入淵微宮 宅園方平上 思惟寶室鄉
度數不乃多 天運素言遠 時茂元成宮
八極常往反 三者同一契 禮化來何晚
六合來往至 世祚長高大 金馬光精威
其言將運奉 誰跡智鑿塗 念思元中外
網紀一時盡 百六數交會 周流三素見

天帝之所專 過去不成種 天地運將翻
何緣得過之 仰念靈寶言 感應可度災
握節誅玉篇

景光真人時在運度之際告此頌已方召風
伯諸天小天天真來會運期數盡更速立諸
小天真入今分形作十天大天尊遊觀五濁
靈寶十極真人今正教化經法得真者當作
此十方真人其文今雖未得白日飛騰見法
後轉輪柱作小天真人也

元始天尊言小劫者真人三圖竟天天數交
地地數善會名為小劫運度者也其時諸天
日月星宿皆自滅絕諸地梁網無有根宗爾
時三景真君化度眾小聖未得真者特恐今
運周也言昔往有玄度一人本從九潛空微
中生自然而化光澤類如少童持八部太上
元洞清靜靈寶三素真經八部下登告五獄
鎮往災生禍至要定炎煙乾坤演坐八卦建
籙授與太極真人者也開三賢遊戲觀者運
度所以過爾一玉女持一卷鎮災泣川小劫
玉宇言授晨卿天人夏禹者也為眾天教

大災之時以往過也上古仙人今作太極主
得仙者記名跡也

經言真人從無堯之前受重羅天玉女鎮災
注煙小劫妙經於今淪散度身之法其經也
流周迴 網紀滅 山海藏 威神至

去復來 日月食 魁魁化 今已至

元始天尊言太玄有六戊違清蕩作應輪轉
無極教觀虛遐登高上峻嶒無崖十絕無立
浩浩空達冥劫移度五星不備宿倒置翻運
周數終日月無光陽澤不和時應失氣乾坤
漏泄五獄淪沒福地汎岡得過陰涼江合為
叢者也三界飛行其時人民都悉無餘諸天
大真於此鍊過骨合道者記名黃素如是度
數盡空洞洞合為空而立大卿縲於十絕無
崖也此極過去未來大數升於大數入於微
空數空造虛其統難窮
大羅真人言道可言道非可常論記言為名
亦可非名可謂隱乎處下三者歸於虛大者
入遠豁細者達無幽潛行空鄉內燁燁洞宮
裏四瀆為洞門裏宅是鍊仙之大卿也

元始太極真人玄度真人於小劫洞門演出
運盡之道以記洞之鄉山山有洞天洞天有
四門是大洞門也至此門學自得過也

太上大道君曰元始天尊言大小劫運盡期
度將至道君故自言生名異流種類相崇高

者居其上下者還其底大者反歸止一元為
其圓小者定入於細元在內中分形而生或

處高下或入大小中生或根立而生或胎姪
懷而生或朔復而生或變化自然而生或在
虛無無氣而生初不見形影淪幽而生諸如

此類各有福應並從變化皆隨本由其數盡
未若有福應多者其度不絕隨類始生若立

根生者益其光好與樹七寶之籙生在靈寶
國七寶林中衆仙大聖時往觀照大小劫盡

周而更化得為人道中修學文旨自見衆真
靈寶光耀普懸十人若是胎化者前生福重

得生胎中有形有體魂魄結神自然上皇之
辭元始天尊高上老君於玄都上鄉玉京少
室演出太上洞玄靈寶三十六部妙寶上經
其時高上老君以有元虛之算壽無極之數

未至上皇世運輸轉祚祿欲交警儀代謝結
璘旋行高昇劫仍星辰分破列宿更始五嶽
變化易更方鎮四瀆蕩除海成山嶽水成巨

石壇飛蠢動一切衆生咸而倏忽度如三十
二萬種民元始老君演出五千文道德上下

中經三洞真文衆要妙經教化後學其辭曰
白石公空姓也於人鳥山奉受學法四十萬

言因停此山建齋立直萊素中餐悔念罪福
開度一切求脫厄世得見太平朝禮諸天拜
謁十方仰謝玄真羅梵衆天八種音聲燒香

然燈誦詠旋禮十極念法思惟次違淨邪論
講至妙積學六百歲還玄都武人山北室中

復學二百年太歲甲午五月二十四日靈寶
應見忽有七寶飛天人十二人乘飛雲之輿
從九玄臺下即跪位迎太虛元君白石空洞

真人飄然飛登上造九霞教化衆仙學真仙
之術法至太皇元年九月十日有龜山王夫

人來受八生元籙上經八卷赤松子其年十
月五日受大洞寶章三十六部妙經三洞真
科道德要戒於玄都寶城山中破金投魚蛟

龍結鈎登壇盡一實信為質用飛雲錦百尺
玉札二枚金龍二口魚一雙劍二十四具白

素四十尺五方明鏡以度其文時羅梵衆天
八種音聲作三契頌受學遂得真仙之道說

領切仍玄洞官名曰空洞元一君太光君老
君太一君所居鄉邑於無崖無淵細微象監

魔羅於大千三洞本有太素真科靈衣寶科
至妙也一曰空洞真術大洞齋法素靈讚經

為頌作羅天玄音洞齋法玉京山經步虛頌
梵天音洞神齋法八素陰陽經中夏音大洞

齋法絕跡崖隱遠避世人長齋服食咽元
充氣不參世間非其服食長齋流延不同為

講十方上聖天尊觀人善惡名曰高上至真
玄妙齋法建齋獨立之道太虛元君於人鳥

山奉受太上洞玄梵天威儀羅天大戒悔謝
億曾祖考七世父母生死罪福輪轉胎化之
厄願得長居無為燒香燃燈日中一食晝夜
六時悔謝前後以來玄都祖母咸得上登天
堂化生十方與玄都同行誦詠三洞真文富
爾之時靈寶真人雲光降十極飛天人神男

玉女各十許人羅梵眾音七寶光耀煥爛玉
 京之中誦三契羅天頌十極真人各頌一契
 梵天頌飛天人神男玉女共贈詩一篇太虛
 元君即下座禮拜天尊因奉受詩云章靈
 妙高真元君以為勝太虛元君於玄中答詩
 一篇竟奄然不見衆真所向白石公學得真
 也

高上真人羅天頌三契

六度生梵跡 至真出虛玄 空洞響靈霄

仰秀十極質 形受奇妙相 遼遠造登賢

執節侍營枝 被褐靈宵展 解散飛雲結

耀光照羅天 通身黃金體 頸有七寶圓

足躡蓮華行 旋遊十極間 玄都邑玉京

自然赤字文 玉訣非常音 法輪是真言

妙哉高上教 道建五千文 衆經歸首目

豁落洞玄真 德合超然去 塵俗緬飄因

右一

鬱鬱空洞鄉 巖岩天寶臺 溘溘衆真降
 萬劫為一期 子抱玉真經 吟詠過三災
 五苦一時進 七祖化為無 上造紫微宮

元錄方寶持 太虛非為遠 合鍊吐邪駭
 軀精濁損次 朝禮高上師

右二

玄洞空中去 虛虛豁無嚮 羅天生洞宅

十聖俱齋景 五嶽得安鎮 四瀆蕃受象

重飛普衛無 蠢動無算等 九真還丹錄

飛行造玉京 萬劫修忽間 億載在須頃

超度衆根難 流霞登濛隴

右三

道非道非常道名非名非常名空非空非常

空玄非玄非常玄故知道玄虛空名自妙也

彌綸至濯遠豁無窮上包大羅於無崖下入

無淵於細微亦象監魔羅於大千魔羅難察

大羅寶真言高上演教衆真勸化天靈寶玄

經至妙之必文度智三十二萬種民三一蕩

除百官開度演出真文以化下愚承奉禁忌

自蒙度脫苟無其質亦免地獄之災道有五

千文至真妙經此為一文大洞三十九章名

為一文洞玄靈寶真文玉字羅天上經此是

一文三皇內音名為一文龍飛九道名曰得

道之跡學士熟看五千文洞玄真文大洞三
 十九章此經從元始以來秘之金闕至于上
 元經道欲行掃除清濁戒人罪福通悟流俗
 至道不遠安在太空大洞三十九章本三十
 九言高上老君演作三十九篇以授素黃太
 虛元君空洞真文積學一千六百二十四日
 衆仙歸仰真道遂成空洞真人瞻觀六度復
 演出大劫一卷教化衆仙至經高妙莫歸於
 本太真真科高上科法太素真科太虛元君
 空洞真秘靈寶玉字洞玄真文初生三十九
 章玉字所演三十六部妙經經文淵微出自
 道言諸天真人宗奉赤書觀於梵跡所以真
 人曰學大乘之業禮拜玉字洞玄真文位證
 高真上名梵錄十極真仙展轉超證本為空
 洞真人亦為十方真人佐理十天梵天名十
 極真人至真羅天音是名為道
 東方無極世界虛中之虛妙相真人寶光世
 界開度虛中一切頌一契
 高歡絕幽嶺 中道有妙言 羅天空洞章
 飛遼登九玄 足躡雲綱行 俯眄上皇真

奉戒昇虛無 吟詠靈寶篇

南方無極世界空中之空無上真人靈光世

界開度空中一切頌一契

虛真是玄真 至道無為尊 元氣訖虛寂

龍倒朱鳳翻 惟採秀瓊芝 奉戒入雲門

飛羅戲龍虎 願結前世緣

訖書九

西方無極世界玄中之玄太浩真人素光世

界開度玄中一切頌一契

紫微玄中玄 獨立體自然 瑞相七十二

頭光五色圓 煥爛照十方 飛雲散香煙

叉手向梵天 得見無極篇

北方無極世界無中之無玄籙真人玄光世

界開度無中一切頌一契

靈耀空中鸞 高妙何為速 玉晨非贊器

災害以旋反 金門五苦經 胎鍊永以斷

流珠向上宮 億劫豈云晚

東北方無極世界玄州上卿真人開度玄州

上卿無極一切頌一契

嵩鶴洞林蕭 芬然昇太霞 鳴玉服天陰

雲氣鬱嵯峨 赤界東道眉 長生為辟邪

奉嘯黃庭錄 得道還度家

東南方無極世界彌劫真人淨羅天中開度

世界一切頌一契

仰觀劫仞卿 玉京玄中虛 魏峨赤松子

上造如太霞 遊沈過衆生 太一乘雲與

少樂高尚法 七祖生天居

西南方無極世界無量真人鬱羅世界開度

無量一切頌一契

耀光出大洞 真神何徘徊 左顧龍銜轡

右眇虎吐威 朱鳳交觀集 騰蛇登大魁

九宮生八卦 十極遊太微

西北方無極世界化生真人波羅光世界開

度波羅一切頌一契

飛步躡上宮 七元長生道 願樂一世人

騰身避苦惱 削除百曾罪 徊轉造五老

定名玉札篇 咸念長自保

上方無極世界億億之劫上皇真人九光靈

寶世界開度元中一切頌一契

太霞觀曾微 絕嶽幽中嶺 巖暹交洞卿

玄州東仙弄 遊行三周過 更鍊易光象

還期十極真 雲行登玉京

下方無極世界算數養生真人太一金光世

界開度算數一切頌一契

歸道妙中真 梵天有靈篇 虛無演玉宇

用以教後賢 真人不見形 和光氣洞塵

玉札奉上皇 願以賜要文

十篇十方真人造齋用燒香謝文步虛詠明

燈祝燈祝願別出衆經

太虛元君於是虛皇五年七月七日下午遊戲

衆天者觀善惡見羣精魔鬼交逸天下橫害

良民強絕人命太上高達三清廣大千妖萬

邪假作正真風雨水旱不應節卦元君出現

於人鳥山演洞玄真文玉訣妙經分作三

十六卷威儀法式安鎮五嶽以察天靈今作

十表卦人鳥山浩洞太卿玄洞室中玄尊至

寶中教有仙骨之類當見其文隱學思惟奉

行其科世間供養別法世經所紀三十六部

妙經白石崆峒真人受三十六萬言本有三

十六卷號曰三十六部尊經有三十六卷言

字無定經卷首目出大洞大小劫本業妙經

其中字天音百神內名是也今出學法所修
太虛元君演中品妙經太虛元君曰經道
欲見學者精情感至十位真人使飛天自投
篇目日更新妙勤修得真道
飛天人神男玉女頌曰

浩浩清霄際 渺渺玄元阿 沈紀放自然
妙度九天羅 絕跡空氣靈 千劫不為多
精光普朗瑩 洞徹照一軀 玉皇高尊降
解脫百曾憂

高上弟子太虛空洞真人頌曰

煥爛無崖跡 曠豁虛寂卿 俯眄紫微臺
因緣俗形象 于持洞章文 相與戲玉景
天尊飛登真 釋散脫世網

真人曰道有太上清淨元洞真文玉字妙經
太上清淨元洞玉訣羅梵衆音妙經清淨飛
行九元洞妙經清淨飛行七生化度元洞妙
經清淨元洞靈章上經清淨元洞輪轉五道
真上經清淨元洞玄輪上經清淨元洞三十
六聖東音真經清淨元洞鳳止妙紀洞真道
跡妙經清淨丹水飛術胡語妙經王文威儀

秘經

大度真人無極丈人於劫初伊卿日演丹水
飛訣法授與紫微王夫人夫人作禮奉受十
方真人於此同被極空洞大靈章天道真文
三十六部妙經梵音目錄竟真人等信受奉
行

丹水飛法用藥十二種

絳陵珠子口訣是丹砂白馬玄通口訣是石
鐘乳玄微道身口訣是白石英紫度英光口
訣是紫石英黃丞微身口訣是珠黃玄命益
箒口訣是太一烏徐流英月精口訣是雲母
粉青戊還精口訣是白木却毒溫身口訣是
細平枯道冬華口訣是茯苓丹侍服口訣是
巨勝延年度命口訣是黃精已上各二十四
種

右藥十二種各各自治搗藥必使精好者
去人間長齋一百二十四日銅曰搗之草
藥各五萬杵石藥各十萬杵治都成并合
以銅曰白蜜先和搗十二萬杵藥半成以
來水銀十二石著銅釜中銅蓋蓋之白石

英調作泥泥窰窰作兩口屋覆勿使俗人
鳥雀雞犬見之薪用柏葉為大復水銀消
盡藥成陰曝百日開之出者金銀玉器中
服之齋可服十二丸如巨勝大即飄然飛
登萬階十方真人東天真人服丹水飛術
所得真也

太上老君養生觀化十方觀慈戒頑出妙
文授教衆天大度真人羅天法師玄極太
真以文法表顯諸天十方靈空真人以嘉
平二十三年九月九日遊劫伊玄都登觀
玉景人鳥奉謁太極朝禮太度真人竟謂
問求法下愚纏綿邪濁未敢上陳枯骨舍
元之始輪轉胎化誤生人道腐臭骨肉比
蒙靈澤玄降啓拔有心靈壽高妙養育群
生普度一切此參真妙蛇飛蠢動咸脫三
惡道靈壽未賜枯骨真文願見其旨因起
作禮經步七天許時大度真人湛然不應
忽有龜山王夫人從紫霞宮來從王女十
許人至劫伊夫人笑曰有何請求真人難
之道有玄真上讚丹水飛術妙經八條玄

錄要文正道畢矣夫人因塗及叩頭苦請
玉女共爾須臾之間真人出文見授此十
方真人亦於此得文修學今得十方靈寶
真人也
洞玄靈寶丹水飛術運度小劫妙經

洞玄靈寶諸天世界造化經

五

天專說經開叙品第一

太上天尊居靈鳥山中與諸天人說十二部
經於是乃分四十萬品弟子書之故曰妙道
爾時天尊化為居士而智慧無窮而告衆曰
我學道以來九十一劫斷求念空故得無想
定通東聖中王以洞達之照得見天地敗而
更成衆生死而復生無有窮已如日月圍繞
崐崙之山旋照四方天下周而復始無止息
時有四千崐崙四千日月四千天下有大海
水四千大龍王宮四千大金翅鳥王宮四千
大惡道高數萬里大神山高數千里大神樹
萬種種大地獄合爾所名為小劫世界數是
小劫世界千名為中劫世界數是中劫世界
千名為三界大劫世界從彼始成至復七日
並出悉燒敗之一切蕩盡後復更成一如往
法無休止時自然如是無神為也亦如衆生
死而復生但其壽長遠人不知之又衆生死
時形滅而神移皆緣其生時所作罪福至彼
五道之處何謂五道一者天道二者人道三

者地獄之道四者餓鬼之道五者畜生蟲獸
之道若其人生世積德深厚得上福則生
天道長壽好形安樂無極還知宿命因緣之
事若其生世得在中福則生人道得其富貴
之門無所不足若其人生世福微罪多得在
下福則生貧賤之門凡事下惡所向無可或
得盲聾瘖瘂六疾醜惡奴婢臭處賤穢之身
是上二道雖有優劣猶勝是下三塗有生之
苦若其人生世慳貪悋惜不施飢渴不濟窮
急即生餓鬼之道當受鬼形腹如懸鼓喉中
容糞縱見美饌不能得食長受飢餓形色醜
惡兼有長年思滅不得若其人生世奉親無
孝九族無仁惡及百姓羣衆所忌者則生地
獄之道受其罪鬼之形常被毒不可勝說
若其人生世好殺害衆生射獵為事屠割為
業不知修福但行惡事即生畜生之道為彼
羊牛猪狗鷄鴨受其屠割秤賣之報如先身
所為誰能見是唯得道者知之謂汝未信故
說偈頌
天地諒改換 何等能常存 出生必入死